

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ

ԻՐԱՎԱՔԱՆԱԿԱՆ ՎԱՐՉՈՒԹՅՈՒՆ

ՈՐՈՇՈՒՄ թիվ 430662/06-Վ

ՎԱՐՉԱԿԱՆ ԻՐԱՎԱԽԱՆՏՄԱՆ ԳՈՐԾԻ ՎԵՐԱԲԵՐՅԱԼ

Ես՝ ՀՀ ՊԵԿ իրավաբանական վարչության պետ Ա. Մնացականյանս, ուսումնասիրելով 15.12.2020 թվականի թիվ 36060 վարչական իրավախախտման վերաբերյալ արձանագրությունը, քննելով թիվ 36060 վարույթը և կից նյութերը,

ՊԱՐԶԵՑԻ

Ինքնուրույն հարկ վճարող Հովիկ Լևոնի Ավետիսյանը /ՀՎՀՀ՝ 35206375, հասցե՝ ք. Երևան, Նորագավիթ 7փ. 8, անձն. տվյալներ՝ BA0124169, ՀԾՀ՝ 2812870842/ «ՀՀ և ԵՏՄ անդամ պետությունների միջև անուղղակի հարկերի հաշվարկման և վճարման առանձնահատկությունների մասին» ՀՀ օրենքի 8-րդ հոդվածի 1-ին մասով սահմանված ժամկետում չի ներկայացրել 22.07.2020 թվականին կատարված ներմուծման վերաբերյալ ներմուծման հարկային հայտարարագիրը, որի համար նախատեսվում է պատասխանատվություն Վարչական իրավախախտումների վերաբերյալ ՀՀ օրենսգրքի 169¹ հոդվածի 2-րդ մասով:

Վարչական վարույթի շրջանակներում Հովիկ Ավետիսյանին հասցեագրվել է ծանուցագիր՝ վարչական իրավախախտման վերաբերյալ արձանագրության կազմմանը և գործի քննությանը մասնակցելու վերաբերյալ: Նկատի ունենալով, որ ծանուցագիրը ստանալու փաստը հավաստող ապացույց առկա չի եղել, ՀՀ ՊԵԿ իրավաբանական վարչության պետի կողմից 20.10.2020 թվականին կայացվել է վարչական վարույթը կասեցնելու մասին որոշում՝ համաձայն «Վարչարարության հիմունքների և վարչական վարույթի մասին» ՀՀ օրենքի 49-րդ հոդվածի 1-ին մասի «գ» կետի:

Վարույթը կասեցնելու վերաբերյալ որոշումը և ՀՀ ՊԵԿ իրավաբանական վարչություն ներկայանալու, վարչական իրավախախտման վերաբերյալ արձանագրության կազմմանը և գործի քննությանը մասնակցելու վերաբերյալ ծանուցագիրը՝ համաձայն փոստային առաքանու վերաբերյալ հետադարձ ծանուցման Հովիկ Ավետիսյանը ստացել է, սակայն վարչական վարույթին չի ներկայացել: Գործում առկա չէ առարկություն կամ բացատրություն:

Վարչական վարույթի շրջանակներում կատարված ուսումնասիրությամբ պարզվել է, որ 22.07.2020 թվականին կատարված ներմուծման վերաբերյալ ներմուծման հարկային հայտարարագիրը ներկայացվել է 25.11.2020 թվականին, ընդ որում հաշվարկից առաջացած հարկի գումարը կազմել է ընդամենը 12.141 ՀՀ դրամ, որը վճարվել է 26.11.2020 թվականին, ուստի իրավախախտումն ունի նվազ նշանակություն:

Նկարագրված արարքի համար նախատեսված է պատասխանատվություն Վարչական իրավախախտումների վերաբերյալ ՀՀ օրենսգրքի 169¹ հոդվածի 2-րդ մասով, սակայն հաշվի առնելով իրավախախտման նվազ նշանակություն ունենալու հանգամանքը, ղեկավարվելով «Վարչարարության հիմունքների և վարչական վարույթի մասին» ՀՀ օրենքի 8-րդ հոդվածով, 49-րդ հոդվածի 3-րդ մասով, Վարչական իրավախախտումների վերաբերյալ ՀՀ օրենսգրքի 21-րդ, 32-րդ հոդվածի 2-րդ մասով, 282, 244² հոդվածներով՝

ՈՐՈՇԵՑԻ

1. Հովիկ Լևոնի Ավետիսյանի վերաբերյալ հարուցված թիվ 36060 վարչական վարույթը վերսկսել
2. Համաձայն Վարչական իրավախախտումների վերաբերյալ ՀՀ օրենսգրքի 21-րդ հոդվածի 1-ին մասի՝ Հովիկ Լևոնի Ավետիսյանին ազատել վարչական պատասխանատվությունից և հայտարարել բանավոր դիտողություն:
3. Հովիկ Լևոնի Ավետիսյանի նկատմամբ հարուցված թիվ 36060 վարչական իրավախախտման գործի վարույթը կարճել:

ԻՐԱՎԱՔԱՆԱԿԱՆ ՎԱՐՉՈՒԹՅԱՆ ՊԵՏ

Ա. ՄՆԱՑԱԿԱՆՅԱՆ

Վարչական իրավախախտման վերաբերյալ գործի որոշման դեմ զանգատ կարող է տրվել որոշումն ընդունելու օրվանից հետո երեսուն օրվա ընթացքում: Նշված ժամկետը հարգելի պատճառներով բաց թողնելու դեպքում այդ ժամկետը կարող է վերականգնվել զանգատը քննելու համար իրավագոր մարմնի (պաշտոնատար անձի) կողմից, այն անձի դիմումով, որի նկատմամբ ընդունված է որոշումը (հոդված 288) կամ որոշումը կարող է բողոքարկվել ՀՀ վարչական դատարան՝ երկամսյա ժամկետում:

Մասնակցեցի գործի քննությանը, որոշման վերաբերյալ առարկություններ չունեմ

(ստորագրություն)

Ստացա որոշման պատճենը